





卷一

葛中祀事廟

葛中祀事廟

濠松亭懷古

王充墓懷古

王宏之劄墓

卷三

曹娥江競渡

孟太守宅

卷四

許半珪墓

登蕙巖絕頂

卷五

吳越公主墓

卷七

葛王倪三公祠

卷八





劉坦之差

龍壽山石壁書

稚川釣臺

孤彈宅

卷九

伯陽宅懷古

卷十

過古若山

崑嶺大橋

百古庚帝廟

善後寺

列風山

仙姑洞石壁書

孔家湖茅草歌

宏業釣臺

袁莊城

萬運河水利五言

塘序

觀海

天慶觀

上祀湖

長樂郡  
振錄西  
請并本

同書

同書

天香別墅學吟

詩卷一起辛巳  
訖庚寅

天香樓夜讀述懷

桂樹非招隱綠陰生晚涼樓高先得月花近不聞香燈  
火雞窗靜烟霄雁路長頭顱忽三十掩卷一思量

讀先大母孫太宜人節孝傳

家人利女貞惟此孝與節孤根堅松筠勁志勵霜雪是  
皆由天性初不畏磨澀所以至人心百年如一日大母

伯陽宅懷古  
稚川釣臺



周甲春 綸語獎冰檠炫赫 天章來我我標綽楔嗟  
我六齡孫左右母提挈延師課典墳望兒登簪紱奈此  
樗櫟材莫廁鵷鷺列已矣大母恩哀草蔓邛垵垂涕展  
遺傳一讀一嗚咽

游雲棲寺

舊聞開座始蓮池競向琳宮廣布施一偈宣揚千佛願  
百靈擁護 兩朝碑地分天竺三層迴春占吳山半壁  
竒老衲穿雲何處去夕陽西墜晚鐘遲

謁岳武穆王墓

棲霞山色對斜陽憑弔精忠欲斷腸雪窖方思迴聖駕  
金牌忍見泣戎行一言竟被書生料千載猶深父老傷  
剩有南枝風不轉靈旗颯颯晚生涼

謁于忠肅公墓

誰勸親征陷六龍竟拚孤注餌強戎老臣謀國天能挽  
故主迴鑿日再中無奈妖雲移帝座忍教碧血灑元忠  
鄂王墳與公墳近應為生還泣兩宮

飛來峰

冷泉亭下獨徘徊貪看青山首重回不道青山戀塵世



一峰天外會飛來

蘇小小墓

蘇公隄畔柳絲長一路鶯聲喚夕陽誰築湖邊三尺土  
六朝芳草尚餘香

跋家君天香帖卷後

真贋全憑鑒別明硬黃拓紙幾番更刪餘宋本存原刻  
斷自明初集大成先以宋人冠首後刪卅載鈎摹忘歲月兩朝翰  
墨聚精英小樓什襲宜珍重一卷傳家抵百城  
淳碑久已墮江干黃絹何從借樣看留得蘭亭真面目

拓將墨海舊波瀾宮商小列牙籤

整帖以金石八部音編字分部碑板

重摹古筆殘况更芎山搜斷碣仙人換骨有金丹

蘭芎趙松

雪碑久蝕家君為補書

同人集旌教禪院與虔上人夜話

秋山黃葉寺來訪白頭僧餐菊斟佳釀聞禪悟上乘高  
風追古社舊雨集良朋不盡清談興能教酒力勝

讀陶靖節詩

太羹與元酒味淡趣彌旨先生義皇人胸坎息塵滓采  
籬尚有菊折腰肯為米春風飄然來演漾入花裏引觴



時一吟啼鳥喚人起南陌事耕耘東臯秉耒耜田家自  
有樂長揖謝金紫遙遙顏閔徒庶幾或可擬

見新燕

一度春來一度忙杏花紅掠滿庭芳烏衣門巷君曾識  
應識堂前我姓王

春草

芳郊凝望色葱葱春在裙腰一道中亂繞柳隄迷軟翠  
平鋪花徑襯殘紅馬頭別路鞭歌雨牛背斜陽笛咽風  
莫問王孫猶未返青袍人在鳳城東

白燕

銜盡春紅肯惹塵水晶簾外蹴湘紋暫棲白屋終為客  
便脫烏衣更不羣柳絮亂飛三月雪梨花偷剪一梢雲  
黃鸝隔葉音空好高潔歸來獨羨君

書舍燈

淡月移花影春宵更漏長不須鑿鄰壁窺室有餘光  
兩過竹窗靜晚涼生硯池隔花螢火出相映碧參差  
蟋蟀吟東壁銀河淡碧紗廬陵剛作賦紅豆落殘花  
戶外雪三尺吟肩聳若何焚香讀周易寒裊篆烟多

冬

夏

秋



漁船燈

烟烟蓮塘裏隨波忽兩三夜深涼更好移棹歇花南風  
慣識仙源路歸遲日已殘落紅遮兩岸逗出一星看花  
獨釣泊寒江宵分雪打窗得魚呼酒飲照影忽成雙雪  
平橋排雁齒涼月浸孤舟免乞烹魚火星芒隱約留月

旅館燈

雉堞圍千尺山程倦卸裝不堪蘆壁罅風逗一星光山  
草閣臨江岸窗虛火倒明微聞異鄉語坐對說歸程水  
馬蹏倦鈴鐸向夕訪山僧一榻禪關靜照人參上乘古  
寺

月黑風寒夜長亭偶息有生花憑報喜客久不成眠亭郵

閨房燈

紅袖倚牕紗銀釭夜作花為郎調蕙藉香意孕詩葩添  
且罷金錢卜停針坐對時為誰長作嫁愁緒亦絲絲壓  
小婢歸眠後照人宵更長莫教忽吹滅留影伴空房孤  
別燄都無力支牀懶欲眠小紅低喚起應為撲蛾憐懶  
坐

咏笠

宜晴宜雨兩爭誇每見圓光頂上加雪地花天隨分去  
何曾青蒟遜烏紗



芎山紀事篇

蘭芎山福仙寺為葛洪煉藥所明倪文貞公嘗  
讀書於此寺僧刻仙儒像次伽藍側五橋叔見  
而非之擬遷葛倪二像於後殿作專祠詩以紀

事

我翁泛棹偶懷古小泊文成舊祠宇客子客作聲勃谿

敲冰側理堆滿廡

王文成公祠  
賃為染紙坊

更有荒涼劉子祠宗臣

遺像暗塵土翁也目擊增歎吁謀及李杜陳良謨

指尺  
莊望

樓諸先生釀金盱饗創新社盛事於今傳鑑湖吾虞最著芎

山蹟山上仙蹤留片石仙去山空丹竈寒佛徒竟占仙  
人宅倪公鴻寶明大儒少時曾讀山中書仙風佛骨或  
有相豈容三教同室居佛不逼仙仙亦適儒不侵佛佛  
自如吾叔識見超流輩自合遷置相別區吁嗟乎鄉賢  
祀典貴清肅位置同龕毋乃瀆何當築室成專祠一破  
同時俗情俗

題五橋叔自牧圖

君子崇謙光英雄務本色惡盈受以虛知白守其黑山  
花紅亂開隄草綠初茁對此事耕耘呼牛應亦得



芎山紀事篇

蘭芎山福仙寺為葛洪煉藥所明倪文貞公嘗  
讀書於此寺僧刻仙儒像次伽藍側五橋叔見  
而非之擬遷葛倪二像於後殿作專祠詩以紀

事

我翁泛棹偶懷古小泊文成舊祠宇客子客作聲勃谿

敲冰側理堆滿廡

王文成公祠  
賃為染紙坊

更有荒涼劉子祠宗臣

遺像暗塵土翁也目擊增歎吁謀及李杜陳良謨

指尺  
莊望

樓諸先生釀金盱饗創新社盛事於今傳鑑湖吾虞最著芎

山蹟山上仙蹤留片石仙去山空丹竈寒佛徒竟占仙  
人宅倪公鴻寶明大儒少時曾讀山中書仙風佛骨或  
有相豈容三教同室居佛不逼仙仙亦適儒不侵佛佛  
自如吾叔識見超流輩自合遷置相別區吁嗟乎鄉賢  
祀典貴清肅位置同龕毋乃瀆何當築室成專祠一破  
同時俗情俗

題五橋叔自牧圖

君子崇謙光英雄務本色惡盈受以虛知白守其黑山  
花紅亂開隄草綠初茁對此事耕耘呼牛應亦得



雷鞭催鼓晝轟轟日脚斜收雨脚橫壓地濃雲奔海氣  
潑檐飛溜瀉泉聲竹含餘滴青千箇松挹新涼綠一棚  
消夏江村人坐久稻花香送入柴荆

秋雨

溟濛絲雨釀新秋風送輕寒上小樓獨夜忽驚梧葉落  
重陽先替菊花愁雲圍山寺沉僧磬潮暗江天冷客舟  
盼斷北來沙塞雁暮烟慘澹下蘋洲

秋柳

憔悴西風又一年絲絲還曳馬頭烟一程細雨長亭外

十里斜陽古堠邊老眼多情猶戀別亂頭相對亦堪憐  
漁郎只是工吹笛數點寒鴉晚泊船

桃花

一度花開鬪艷陽胭脂濃染簇紅香秦人世界迷漁父  
仙子因緣屬阮郎逐水每愁風雨妒隔牆猶惹蝶蜂狂忙  
憑君但說梅花好看春光別樣芳

楊花

歌殘金縷綠初肥香絮濛濛撲釣磯數點偶迎人面落  
一春多傍馬頭飛絕無拘束憑誰管儘有風流似爾稀



啼罷子規花事了天涯遊子可曾歸

自題愛蓮圖

淨洗紅塵到水隈露華點點濕蒼苔披襟坐對湖山秀  
風送花香萬柄來

香風拂拂沁詩脾此味應同鷗鷺知欲比西湖何處似  
蘇公隄上白公祠

寂寞空山不壓孤芰荷一片映菰蒲不須更著濂溪說  
移取風光入畫圖

索五橋叔題愛蓮圖即次自牧圖原韻並東張九

雪塘

幾次圖成兩不謀乘風早已較乘牛余有乘風破浪圖漫持阿

大蟬聯語寫出新涼菡萏秋

昨宵酒色泛鶯兒急雨催詩知不知窗外芙蓉開欲徧  
料應聽得響來時

秋風未報露華寒純菜鄉思暫自安難忘淵源周茂叔

別裁桃李可同看曾同師周藕香夫子

詩味何如酒味甘好攜詩酒賞花南幕中會有張華在  
肯否奚囊好句探



王充墓懷古

烏石山頭仲任墓秋草年年穴孤兔石羊倒卧淒猿嘯  
翁仲橫立向人語語奇句重知者希疑是當年論衡辭  
廿餘萬言何瑣屑日月不圓想益更奇甕牖圯垣鐫刀筆  
夜闌直待日東出出者八十四帙全尾卷招致錄未畢  
或忍坎坷傷時命或疾浮澆矯枉正擲筆長嘯憂憤多  
問孔刺孟詞偏頗中郎大才見亦偶秘為鴻寶資切磋  
當時班彪名最鉅充也師事得其緒所見所聞多異辭  
其義其文吾竊取至今一塚留虞川墓木荒涼泣杜鵑

但看節性頤神七十載還著養性之書十六篇

新柳

綰人情緒碧絲絲學舞翩翻不自支恰好掃成眉淺淡  
未曾梳就髮參差十分嬌弱難禁雨一種風流正及時  
怪煞陽關題句後年年齊唱別離詩  
濛濛如雨復如烟搖曳多姿起又眠風格似他真嫵媚  
春情於我太纏綿詩隨白馬尋芳路愁在紅橋送別船  
畫出江南三月景有人相對感華年

風鳶



一番擡舉仗東風鳳翥鸞翔起掌中得勢尚嫌繩索短  
能飛不藉羽毛豐烟霄有路扶搖上天宇無梯自在通  
要識從來高處險幾回添綫笑兒童

自題培蘭圖

家住蘭芳麓人徵小草緣當窗排翠竹夾道瀉紅泉  
移得仙山種庭階異樣芬隔簾風信度猶帶葛溪雲  
入室幽人契披書靜者心浮生三十載坐對滌塵襟

索五橋叔題培蘭圖仍次<sup>自</sup>牧圖韻

本為詩書式穀謀癡心也肯作犁牛栽蘭更比栽蓮好

贏得幽香滿室秋

丙兒課罷又庚兒苗秀何曾敢預知好待春風勤作養  
養花全在種花時

生憎島瘦與郊寒臣叔風裁擬謝安想見二元工倡和  
一篇同對一燈看

低首長城我自甘合教韋杜冠城南祗緣得隴猶思蜀  
敢把驪珠一再探

二圖題後致謝五橋叔暨雪塘張子三疊前韻

滿紙雲烟與目謀庖丁纔許解金牛笑儂吟苦詩腸澀



又展蠻箋寫素秋

詩中太覺譽癡兒消息魚龍豈易知誦到日邊紅杏句  
來年看取折花時

先生骨重又神寒肯把文章讓建安真個曲江風度好  
索來韻語耐人看

指點禪機道味甘雪塘來詩有瓶鉢  
因緣結剡川句辦香從此永和南

妙蓮花裏因緣在消息還將七字探

牛

朝朝帶水復拖泥努力春田駕一犁那識太平烽火靖

沙場戰馬只聞嘶

犬

牛犬二語亦可述

客到門前報事頻日長閒卧藉花茵幾曾飽飯黃昏後  
吠影無端為主人

題蔡文學陸士雲烟結夢圖

文字因緣書畫禪風流不數米家船慣收墨跡師都尉  
屢遞詩筒報樂天兩地幽懷縈夢寐半生結習富雲烟

名山倘許陪遊屐留作千秋軼事傳

渺渺烟波小小舟訪君曾到浙西頭品評真贗參三昧



供養徐陳共一樓

陸士有拜  
藤供蓮室

行樂何妨同惠子此身直

恐化莊周文人慧業知多少得與詩家說夢不

五橋叔以自牧圖韻成七夕詩四章又疊前韻和

之

急忙烏鵲為誰謀多事成橋渡女牛競說雙星今夕會

不知又是一年秋

萬劫歡緣一瞬兒青天碧海有誰知仙家若也悲團扇

正是涼風欲動時

西風瑟瑟素波寒兒女癡情睡未安怪煞天雞催別去

露珠都作淚痕看

兩情長此一宵甘故道何須藉指南畢竟乘槎猶可到

銀河消息願同探

王宏之釣臺

葛翁煉藥臺鐵突冷丹竈文貞讀書室網戶納殘照一

峰三石頭王子昔垂釣釣魚便得魚藉以貽親好或企

羊裘翁千載結同調或學任公子長竿引孤嶠李龍狎

海鷗子賤避陽鱈忘形莊惠心合契知仁樂借此娥水

清且吟復且嘯幽居歷三紀聊等羲皇傲仙游元嘉年



延之作誄弔何用問宏景捷徑謝津要何用詢稚川雙  
谿踐高蹈出入蘭岫間芳蘭比其操或在雞石西石雞  
鳴膠膠

題趙少泉照

一琴一鶴祖風存十卷詩文寶子孫記得盥薇花下誦  
不知涼月已黃昏

道入山陰綠樹斜白雲菴近到君家釘盤留我殷勤語  
為看珠璣玉畫叉

梅魂

樓頭漫把笛聲吹冷落香魂雪一枝悽斷空山人不覺  
銷來良夜鶴先知羅浮曾入師雄夢官閣宜招水部詩  
惆悵尋春驢背客徘徊林下費相思

自題乘風破浪圖

我家住近曹娥江江潮八月飛奔瀧我欲乘潮泛東海  
前脊後種相拍張武林畫手解此意十幅蒲帆盪秋霽  
白浪千層勢欲吞滄溟一粟身如寄橫空破浪浪拍天  
此時意氣如雷顛莫愁欲濟無舟楫馮夷鼓棹陽侯牽  
弱水三千勢奔放銀山十二秋濤壯人間風浪無時無



何如鐵面江頭一釣徒

酒帘

刪長竿高揭一旂飄勾引詩狂興倍饒却憶江南留醉處  
柳花村店馬嘶驕

讀唐七詠

五古宗西京流行及魏晉梁陳氣全靡慶朔亦未振伯  
玉感遇章新面開筆陣王儲韋柳輩真樸率其性壯哉  
浣花翁縱橫獨坐鎮

大風柏梁歌七字之權輿源流溯漢魏風調歸唐初王

楊巖結構高岑宏規模放浪騎鯨客豪邁真仙乎沉雄  
工部才元氣侔太虛退之亦踔厲餘子將何如

徐庾及陰何五律創其始初唐尚音聲穩順工摹擬陳  
杜與沈宋揮樸中肯綮穠艷謫仙才清腴右丞體懿哉  
孟夫子相蘭沅中芷生面開草堂奧窅能獨啟

律勿涉平叙平叙防徑直亦勿過雕鏤雕鏤易塗飾崔  
顥黃鶴樓變體不可測摩詰與東川從容揮翰墨司勳  
及散騎同調共相得賓客稱繼起柳州作羽翼異議論胸  
次寬少陵何超特



長律貴嚴整屬對尚工雅但期脉貫通所鄙句粗野四  
傑意境超中盛氣奔瀉落筆多瑰奇老杜深藏寫長慶  
百韻多徒作滔滔者

節短韻彌長前人有絕調應物好古澹謫仙臻絕妙輒  
川出自然純以天機掉北斗七星詞立體亦簡要何如  
崔汴州字字抉真竅

七絕有遺音如奏清廟瑟言微旨貴遠情深語宜質供  
奉仙人奔放且超逸高岑何激昂温李復精密况此  
劉賓客司勳正與匹我愛王龍標讀者可能悉

游姚江竺山

即王文成  
公祖墓處

一邛叢草礙行滕為訪佳城度葛藤

俗名葛  
藤窩

地運曾經

開道學家聲猶是振雲仍山環馬耳諸峰壯地接龍泉  
最上層我亦青囊參郭璞梅花隴畔愛峻嶒

形家言竺  
山後身節

節梅  
花龍

東湖史冀國夫人墓

晚過聯橋渡江下平明短艇到湖東山排鷺雁含烟碧  
峰簇旌旗映日紅何處將軍留穴小

旁有唐  
將軍墓

獨令冀國

峙碑豐雲仍科第綿無際靈秀欣看疊嶂雄



登范氏天一閣

傑閣名天一藏書富甬東月涵湖水潔地接海山雄洞  
府鄉嬛秘竒文漢魏叢宸章高煥采翰墨仰崇功

題屠心淵秋夢痕圖

記取風光淡蕩任他時序遷流殘月疎燈半壁夕陽紅  
樹九秋

蕭瑟馬嘶古道蒼茫鴉掠前村一幅天然圖畫半林別  
樣秋痕

鹿胎山署謁李果亭師式圖與董青士史話別

鹿胎山頭建剎治片額高懸晦翁字我來瞻拜桃李門  
得入仲舒下帷地董子磊落人中豪數年契闊深遐思

風簷賦雪爪留鴻雲路追程尾附驥

余與青士同受知於汪瑟菴師青士

以春雪賦獲選不意三生舊有緣得與知交重把臂蓮花幕下

春風生仙草寺前寒月墜明朝邀子開華筵主人蘭渚

我同志

約次日飲王氏山莊

會須豪飲吸百川大放酒腸拚一醉

不話人間離別情但望青山隔蒼翠

遊畫圖山

真覺山如畫尋幽愛剝谿挂泉竒壁峭翻墨濕雲低人



語穿林出鶯聲坐樹啼桃花潭水近一幅映玻璃  
過清風嶺

清風嶺上曉風清嚙指題詩感婦貞我向山頭覓遺跡  
野花猶作血痕明

春日訪卮香上人不過

讀罷吟箋逸興乘榻來方外訪詩僧禪房雲懶鋪殘絮  
小閣窗開接古藤四面好山春晝靜一舟歸路暮烟凝  
不知飛錫從何處笑指蓬萊第二層

趙氏省園

讀詩雜感四首係癸丑年農作不知何以及  
入庚寅正月一日羅羅村刊本白可刪

園中風景年年換我叩重門特地來偏愛小橋橫接處  
梅花斜傍假山開

平氏澹園

曲折紅闌卍字迴青鞋取次踏蒼苔園中自有真邱壑  
不比平原點綴來

讀詩雜感

半壁江山一帳然粉侯才調總堪憐同根却有彞齋叟  
畫筆蒼涼寫水仙 趙松雪

盛名同仰魯靈光野史亭中弔國亡人品依然詩品在



可堪功德頌崔郎

阮遺山

異代青蓮不易才梅花吟到美人來君王別有詩中解

一曲宮詞亦禍胎

高青邱

不值錢人頗值錢香奩哀艷入吟箋千金不賣將軍怒

留作人間信史傳

吳梅村

天香別墅學吟

詩卷二

起辛卯  
訖癸巳

四十初度適試省垣同人醵飲即酬

自愧華年四十秋同來文戰住杭州多君祝我羊湯舖

菜問園中踏破不

烹臙臙炙並芬芳對酒聯吟興欲狂不到淳于傾一石

任他涼月上昏黃

雅誼殷勤報合仲故鄉情誼最相親蘇公祠外荷香靜



一席清風聚酒人

重九後渡錢塘觀潮

八月驚濤壯重陽信未闌雪噴天路迴風盪海門寬萬  
馬驅何迅千軍撼亦難奔雷喧浩瀚撞石激瀾漫沙共  
蘆汀捲秋先蓼岸寒排山雄笠澤上水怯巖灘文酒餘  
豪興樓臺縱大觀龍門原不遠高唱倚危欄

謁王明府石橋師

翰苑文名不易才師由庶常外用猥從小縣取花栽席分馬帳  
瞻如斗身托龍門蔭共槐桂魄輪三膺鶚薦余卷十七日呈薦

孤筵春仲慶鴻開師生辰在二忝隨參朮同居籠敢說  
傳衣屬後來月與余同庚

謁何學使仙楂師

春風化雨最關思得叩香亭謁我師署內有槐本傳家  
經手植桐因搜爨感音知記曾葭戚聯同譜師與章橋西姻丈係  
甲子北想到雲樓話舊時師與比部衡塘叔祖友善班筍終慚袁薛  
玉同為桃李幸聯枝

謁王侍讀蓮舟師

天府仙才蒞浙西衡文終夜到鳴雞度來鴛繡金鍼巧



量徧鴻裁玉尺齊好語聽人誇月旦多情扶我上雲梯  
與師一席論心後已識龍門重品題

謁富中丞海帆師

蜺旌節鉞賜 天家幕府高牙八座誇三載棘闈嚴鎖  
鑰萬間鱗屋靖誼譁魚龍掀舞風雲上是場點名終日大雨冠蓋  
承迎燈火賒同向詞壇沾雨露幾人探得上林花

謁陳廉訪芝楣師

外臺品格世無倫翰苑風流滿座春握尺衡才殊慎重  
師於壬午當筵勸我倍溫醇麟毫漫厭千枝禿繭紙宜

裁百幅珍臨別幾回勞春戀莫教來往惹京塵皆師所囑語

登龍泉山謁鄉賢祠

峨眉迢遞接龍泉江水東流匯百川閣老勲名推故里  
狀元門第想當年死堪瞑目消藩釁道在良知啟講筵  
况更客星山色近前灘擬問釣魚船

夜泊文亭

片帆晚泊慈湖口聞道郵亭是文亭十里烟波淘海月  
滿船燈火落江星潮寒夜半天逾白樹老冬初岸不青  
忽聽荒雞催膊膊孤篷破曉渡前汀



游清道觀

泊棹江城晚來從道觀游列仙雲擁護古院樹颼颼巖  
逼鐘聲聚花疎月色幽羽衣渺何處采藥北山頭

即席呈李果亭師

師以袍幅聯額寄贈往謝不晤復至明州始得

見

吾師風誼高千古老眼垂青肯相許往歲名邀鷄薦中  
今秋身傍龍門處錦額遙頒煥里閭宮袍優賚光門戶  
長者有賜不敢辭願一瞻拜明肺腑片帆不得神風吹

乍合還離淚如雨相逢相別何忽忽酒盡夜深兩無語

別親入都

轉以微名累無端惹別愁 國恩原浩蕩庭訓最詳周  
未看蘆溝月先移鏡水舟敢忘相囑語珍重到 皇州

過蕭山訪蔡陸士

泊棹西河訪陸雲藤蓮小館挹清芬多君持贈真高雅

卮老彌院穀老文

卮香手書佛經  
穀膝先生文集

渡錢塘

霜葉堆黃沙岸低登舟曉度鐵關西江寒風峭帆無恙



白鳥一雙飛上隄

寓鳳凰山淳素山房

第一山頭倚碧牕俯看襟帶控長江間從石磴穿雲徑  
靜借仙房禮寶幢鱸膾晚教丹竈煮鯨鐘晨聽羽衣撞  
天寒雪色明巖岫南北峰高玉峙雙

除夕即事

暫借山房寄此身歲華將盡少遊人書樓門掩符添篆  
茶室烟銷甌惹塵井底爆聲催臘短檐端雪意待年新  
席廬認是吾家額山房有額亦名一席廬遙想團樂酒幾巡

元旦步吳山城隍廟

杭州風景愛新年况在吳山最上巔八座簪纓雄節鉞  
元日撫軍謁廟萬家城郭聚香烟世情未必名心淡歲事都將  
吉語傳我正襴衫拋利市客程迢遞盼雲邊

贈董月樵丈

曠世扶輪大雅才幾勞相訪入山來殷勤祝我瓊林上  
慷慨多君綺宴開一席春風披卷軸半庭殘雪坐莓苔  
河梁此去同攜手漫向西湖首更回

登舟



篷窗面面耀玻璃  
燈火搖星水岸低  
一棒鑼聲喧爆竹  
北關門外啞橋西

過太湖眺長山

太湖湖水蕩淪連  
李郭同舟孰是仙  
盼斷長山青一角  
渾疑蓬島落帆前

虎邱試劍石

試劍當時亦偶然  
虎邱遺蹟石猶傳  
如何說法頭俱點  
不與生公解脫禪

五人墓

匹夫何事亦同仇  
畧記顏楊沈馬周  
贏得青山埋俠骨  
一坏雖小足千秋

阻舟越河

萬艇爭流阻越河  
灘程逼窄集帆多  
筦篥不唱公無渡  
曾躍龍門險處過

登金山

一峰中壓大江流  
四面澄波不礙舟  
僧汲香泉為地主  
我無玉帶鎮山樓  
寶森龍秘琳琅富  
御賜四庫全書一部  
響徹蛟宮鐘磬幽  
更向危巔登古塔  
一聲高唱逼雲頭



望北固山懷古  
小劫干戈六代殘南都北顧此憑欄周公未入成王在  
早有山僧眼倦看

揚州文園飯麪偕董丈月樵錢君平泉

騎鶴揚州第一程文園小敘暢幽情芹烹似韭堆盤綠  
麪切如絲釀汁清多煖新醅添楫拙笑看老僕著冠纓  
文園司事者一老人  
戴帽著冠迎送極恭  
晚來舟泊台村岸風打篷窗火尚  
明

邵伯湖阻風

去年秋漲聞湖決新水當衝壞岸隄  
隄決新船到口邊  
水潭口  
風更緊浪花高入短篷低

淮安城西望韓侯釣臺訪跨下橋遺址  
淮安城外釣臺高一飯千金事最豪國士偶然慚婦女  
將才終竟壓蕭曹倘知遺恨留鐘室且任狂且辱佩刀  
今日橋邊春草綠王孫應悔擁旌旄

渡黃河

曾聞秋浪拍青天我渡河時淺水邊畢竟探源星宿近  
欲隨查客泛春船



王家營僱車

僕夫狡獪弄神通，驟換前宵駕不同。  
著意加鞭猶款段，魚溝半站夕陽紅。

青駝橋觀溪旁紋石

停車昨夜宿伴城，夜半更入山中行。  
瘦驟盤折度松徑，兩耳飽聽秋濤聲。  
卓午已抵青駝寺，寺前溪水冰壺清。  
危橋一帶石重叠，屢屨築窠無定形。  
大者如牀及案几，小亦若甕若瓶罌。  
蘚苔斑駁染復染，巖岫羅列名無名。  
越人珍重老蓮畫，此石足與相抗衡。  
恨不借來米顛首。

一步一拜呼為兄，行行且住泰山道。  
數聲乾鵲催前程。

阻雪宿東住佛

崎嶇道路駕車難，况復同雲布暮寒。  
東住佛前和雪住，今宵何處夢長安。

李家店望泰山圖其狀

六日計行程五百平，明策馬泰安驛。  
一峰陡起迎面來，鳳翥龍翔幻奇特。  
峭巖壁立林木稀，突見鄩都殿前柏。  
下馬入門先岱坊，天孫主召人魂魄。  
漸登盤道探幽奇，萬仙樓迴峙仙宅。  
佳水橋橫飛瀑噴，濺珠亂滾冰花白。



歇馬棚馬留遺踪風雨不磨崖三畫虎埠怪石羣猙獰  
黃華高鶴迴車額羣山螳伏傲來張磴路愈峭天路窄  
蓮花洞下蓮十丈日觀峰巔日咫尺羨煞前人誇勝遊  
奇境於今我始得焚香再拜握管城山移紙上設顏色  
吾越名山山最多狀其體勢標題格石帆玉筍秦望峰  
參之意見載以筆圖中一卷收青齊好呈阿父覽几席  
至宴城董月樵文有友人送越釀來同飲  
兩日出山道薄暮驂方脫茶煎牛馬渡藉此免飢渴仲  
舒廣交遊萍水有瓜葛翩然來舊好瓊漿貺天末一笑

傾醍醐心機亦活潑

二十里舖見小車御帆而行

一幅蒲帆挂小車迎風冉冉走泥沙南人慣使舟如馬  
不道山村做水涯

過趙北口十二聯橋

碧漢層虹映綺樓

虹漢牌樓建於橋畔

聯橋十二駕中流車聲輾

轆河邊過驚起白沙隄上鷗

雄縣食鯽魚

滿湖湖水綠瀾漫盈尺鮮鱗買釣灘不用登車生客思



故鄉風味異鄉餐

過南海子

刪海子牆圍百里長春秋較獵射麋麋我來輕轆驅車過  
芳草羊絲正夕陽

入都口占做竹枝詞

纔到京華住日昇日昇店在驛馬市卸鞍驟馬各奔騰晨昏兩  
設盤飧外又給窗前一盞燈

同市欣聯比部郎

馬厚菴先生亦館驛馬市

門前鈴鐸響丁璫軍機

退食來相訪不說終南說太行

過南海子一首從少農剛

交知最是士衡真

陸秀彰為戶部經承來訪

南局邀樽恍飲醇多謝

忽忙尋旅邸石關帝廟話鄉親

叔也隨親早在京

石蘭族叔在都多年

全家寄寓北門城傳車快

送平安報十里紅牆半日程

朝來乘蹇謁吾師我贈鄉儀公贈詞風月可談無別語

日臨試策日吟詩

同鄉循例宴公車的派釀金取次加臺下賓筵臺上劇

者番報答是烏紗

偕盧和菴公孫諸味青孝廉游金鰲玉竦



五鳳樓頭瑞靄飄禁門深鎖隔天遙竦鰲雙峙瞻巍煥

師弟同游慰寂寥盧公子南石相國傑閣流丹初日上

澄湖蘸碧宿烟消春風似剪裁隄柳仙露如珠點水藻

未到玉墀窺品石品級石在太和門內先知金鼎重公朝

十八鼎上圓圭測影中星合嘉量衡珠法象昭深院偶聞魚鑰

啟瑤階恍挹麝香燒倦來且倚西廂憩古井泉香飲幾

瓢玉泉井在午門外

太學辟廱同錢平泉作

制作隆 昭代宮牆拓 帝京尊文先國子會極頌夷

庚玉水迴環潔金樽引養清窮經通闢奧宣諭握權衡

爵自崇三老鳩應祝五更東膠聯杖履西序協簧笙冠

帶環橋列樓臺倒影明名欣登桂籍地不異蓬瀛共聽

銅龍轉羣欽法象精 堯階開藻鑑 舜陞凜葵誠懷

我歌鴉集娛賓詠鹿鳴丁期同舍菜鼉鼓奏昇平

圓通觀同看海棠有感

羽客參元地幽探一徑通海棠開燦爛仙館極玲瓏敢

以無香怨居然相賞同泥金誰報喜寓館內者且避杏

花風



禮闈下第

杏花風動馬蹄驕我愧桐枯尾已焦得失原知由分定  
炎涼如此總魂銷怕勞朋輩情惆悵想到家園盼寂寥  
贏得蹇驢歸去早堂前白髮侍飄蕭

出京過蘆溝橋

來自桑乾度榆堡呼燈為我導南新入都時度桑乾河  
至榆堡時已晚迷  
途土人執燈火柴挺導入南  
新門不走蘆溝歸始經此  
今宵得看蘆溝月轉怕分  
明送去人

琉璃河訪酈道元註水經室

琉璃無處不淪連酈氏還餘舊里傳誰據桑經參註釋  
獨依聖水費鑽研九河故道今殊昔萬派分流後證前

莫問南郊昭烈宅

昭烈宅亦在琉璃聖水河馬頭斜日起蒼烟

景州訪董仲舒下帷處

小園面壁幾經春漢學誰能及董醇心以坐忘方入聖  
功非到死不通神十思對策驅鼃賈一代明經紹伏申  
下馬荒涼尋古碣曾經摩揣讀天人

早過任邛子路宿石門處

一宿亦千古任邛跡未湮人才空將相天意老風塵世



孰知心契碑仍墮淚頻五更車轆轤我愧倦遊身  
腰站聽琵琶  
若水河途第一程風光不比岱宗清琵琶三疊傳腰站  
燈火千家擬錦城雲髻懶垂花壓鬢珠喉巧轉韻調笙  
相思別有離人意但唱驪歌待曉行

高唐州

記不當年齊右歌絲駒高唱和聲多至今楊柳春風夜  
一曲琵琶有素娥

經項羽墓

楚歌四面泣重瞳逐鹿依然失鹿同慷慨鴻門思昔日  
荒涼馬鬣起悲風憑教赤帝成天下猶欲青山據漢中  
我與劉蕢聊一哭東阿巖氣鬱長虹

過滋陽泗水橋

川上人何去依然泗水長淵源常欲溯此日過滋陽

鄒縣謁孟廟

怪山無樹石峻嶒靈爽千秋想式憑東道淵源遙溯孔  
南關井地近留滕離縣五十里有滕文公行井田處干戈不惜風塵老  
天地從教浩氣增曾讀七篇仁義說偶來瞻拜駐行滕



滕縣訪井田碑不得

井田終不復行法思滕文野廟塵蛛網殘碑蝕蘚紋豈  
無王者作宜表大儒勲欲覓南關碣荒郊已夕曛

車行記事

是日值大雷電雨風交作塵霧四起僕夫失色  
轅馬飛騰賦此

黑飈動地來黃塵捲陰霧腥鱗隱約間暴雨忽傾注雷  
鼓轟半空電火爍前路變化風雲中拭目迷指顧豈是  
李藥師代龍韝駿誤僕夫御我車失色惘無措我亦心

摇摇屏息猶恐怖異哉轅下駒四蹄急奔赴喜逆不喜  
順悟得盲左句

荀卿墓

坡老從來創議精蘭陵持論未為平卿如宗聖真完璧  
斯不離師亦令名偶訝龍門同列傳可無吏部載公評  
高談曠古終何補宰樹蕭蕭風雨聲

過邳州

守隘呂溫侯雄關據上游壞雲前戰壘落日古城樓地  
僻人情險山依石齒道岔河應不遠好看浴沙鷗



人訪張留侯避秦處  
誓與秦人不戴天試推博浪氣爭先拚將孤憤酌亡國  
幾把雄心誤少年借箸才長聊佐漢藏弓計早但求仙  
我來城外尋遺跡不見圮橋一悵然

端陽日順河道中與陳蓉臺錢平泉食小米糗  
菰葉裹香黍端陽舊製遺與君餐小米惜在異鄉時軟  
繫黃金縷柔凝白玉脂一盤堆什伯圭角笑參差

露筋祠

又返高郵驛餘哀帛女貞客途回首倦古廟露筋名月

黑誰投宿蚊喧尚有聲南宮遺筆在宋元章小立晚風  
清

阻風泊瓜州登攬勝樓

江風陡緊浪花攪小泊瓜州卸布帆過客風塵增感慨  
名園樓閣最精嚴亂峰青入故人眼一水碧於遊子衫  
回首金山擎砥柱晚烟籠樹日西銜

郭景純墓

一拳孤石水中擎直與蛟龍窟宅爭山勢迴環江勢抱  
江山終古屬先生



范忠宣公麥舟碑

故交情誼重。盛事記忠宣。為助曼卿葬。長留大碣鵠。解推千古意。憂樂萬民先。難得停橈處。舟人向我傳。

寒山寺

寺號寒山不見山。梵宮深鎖水迴環。我來不覺鐘聲到。正在孤舟靜夜間。

謁施鎮海侯全祠

三字奇冤淚未收。多君切齒憤同仇。島中願為田橫死。橋下重申豫讓謀。膽落賊臣餘燄短。頭懸東市異香留。

那堪半壁甘和議。爭讓將軍第一籌。

石門禦兒村與蓉臺談越王疆域

莫信當年處默詩。越王疆界拓宏基。南連閩冶東連海。西接金谿北禦兒。

武林遇雨

三千里路南歸客。北望燕臺淚兩行。偏近故鄉天作雨。不教風便渡錢塘。

曹娥下沙與蓉臺話別

君返南明我返虞。江干分手各嗟吁。船窗細說初生月。



戴記月生於西言月之生魄生  
明俱始於西非謂寔生於西也  
驛路長探記事珠此後  
烟波多渺渺即來魚雁亦區區  
明春再約連鑣去應向  
龍門拍手呼

家大人於卅年前曾購龍尾金星歛硯癸巳冬硯  
山弟亦購得一方遂成合璧喜而有作

從來遇合有因緣劍合延津豈偶然  
片石也知酬賞識  
竟教父子作家傳

舊藏古硯伴雷琴

家君蓄琴一張中鐫唐  
開元二年西蜀雷霄製

家有封胡愛

更深若得載山泉下起千秋一笑兩知音

兩硯係孫載  
山家舊物

題謝寶巖通守遺照

有小序

謝寶巖通守余姻戚也自楚北告養歸屢過墨

花舫評隲所藏書畫今已謝世哲嗣紀堂持采

藥遺照囑題展卷愴然爰賦四絕以志感

循吏荆湖幾十年黃巾爭拜鄭車前  
漢陽最是威聲著  
手射天狼唱凱還

銀河手挽靜波濤瓠子防秋奠六鰲  
為慰沉災恤賴尾  
夕陽三板敢辭勞

却却朝衫步履輕芒鞋箬笠且安行  
如何劖得後苓去



但與仙家訂舊盟  
娥江鏡水接蘭橈幾度西窗燭共燒只道相思能命駕  
一回惆悵展輕綃

古意

欲別牽郎衣情多語轉遲郎今何處去郎返却何時

送楊春帆邑侯

春花一縣擁河陽化布絃歌日正長滇海簪纓推族望  
虞山政績著循良盟心清合冰壺貯課士才憑玉尺量  
此去應教書上考綠陰滿院剩甘棠

小試偏陬迴不羣新添講院啟人文心緣愛士分廉俸  
閣重尊經萃典墳莫使貂裘悲季子更張廣廈庇童軍  
春風喜託龍門下一路爭傳桃李芬

贈別徐廣文金坡

晦翁講學重虞鄉泳澤淵源紹紫陽樓滿春風崇雅望  
邑沾化雨仰和光鳩工庇士新成廈鶴俸推恩首解囊  
先生首捐廉俸督成總 麗澤書院經正書院 總是先生培植意可堪分手賦河

梁

客歲梅開始見君元方有弟附青雲  
先生與舍弟蘆修 鄉同遵例授職



仁風月談今夕彦伯文章冠一軍半載琴書攀舊轍滿  
城桃李挹清芬我來京洛親師範忍聽驪歌袂遽分

*仁風月談今夕彦伯文章冠一軍半載琴書攀舊轍滿  
城桃李挹清芬我來京洛親師範忍聽驪歌袂遽分*

*仁風月談今夕彦伯文章冠一軍半載琴書攀舊轍滿  
城桃李挹清芬我來京洛親師範忍聽驪歌袂遽分*

*仁風月談今夕彦伯文章冠一軍半載琴書攀舊轍滿  
城桃李挹清芬我來京洛親師範忍聽驪歌袂遽分*

天香別墅學吟

詩卷三

起甲午  
訖庚子

春雪

倚檻看飛雪春寒感物華濕衣翻似雨著樹不成花遠  
道遲新燕孤村集暮鴉陽和占土脉草色嫩青斜

春草

東風吹得燒痕新又是天涯一度春郎馬不知何去也  
萋萋愁煞踏青人

此詩前有七律此詩絕句可逸  
此詩字甚奇異



六忠遺卷歌 有序

六忠卷者明臣楊忠愍繼盛楊忠烈連高忠憲

攀龍鄒忠介元標繆文貞昌期周忠介順昌六

公札卷也售者為余來而硯山弟先得之始信

翰墨之緣自有定數因歌以誌之

疾風知勁草寒歲識貞松一朝成碧血千秋凜丹衷哲

人已去翰墨在六人同卷標孤忠問誰搜羅得巨幘云

是幕府高才任長公子孫中落不能守歲暮攜渡娥江

東我為展卷長太息浩氣直欲凌丹穹椒山之書百廿

八為惜沈疏語未終自拚餘生入鬼錄精誠上與蒼昊

通札內云沈經歷劾分宜未盡又文孺兩札筆粗硬講

帳料成荆棘叢逆璫票擬稱傳奉去我柱石殺有功內札

云講學之地必為荆棘又云逆奄之橫即票擬俱出閣

臣皆云傳奉又云柱石思早去又云有功於聖上者殺

之他如五十三字謝當路老死不悔高攀龍札內云移

路長為去官矯旨復削奪爾瞻事亦非凡庸爾瞻鄒寬

哉當時受誣嗾陷職瘐死斃奸雄當時繆厥後景文擊

東廠五人墓碑生英鋒羞殺江南第一輩怕死二字括

無窮順昌云江南第一人舉動如此或謂天啟五臣書



峭逸只疑忠愍代不同倘使刻意求真贗寶劍未必長  
與烈士逢硯山愛之不釋手視若球圖彝鼎鐵券封妙  
手裝潢彙一帙薰沐瞻拜資追崇我亦素有嗜古癖墨  
花開徧書樓中策馬圖寫趙仲穆湮槃經摩文徵翁青  
藤飛白生虛室海樵凝素張高峰况復文貞留墨寶山  
色確肖米南宮似此精靈集汗簡庾翼終輸內史工必  
欲比擬此卷無優劣祇有龍場詩稿堪追蹤仲弟蘆鄉亦購得王  
文成公龍場驛詩稿墨跡二書因緣會一面刻舟求劍終成空竟令  
道學忠勲歸吾弟坐看書樓正氣連長虹

壽周藕香師七十與仲弟蘆鄉聯句

司禮容臺望正隆振綱遂初何事賦匆匆詩情自寄閒

庭草鴻謀鄉味能甘老圃菘憶昔黃花尋舊雨振綱曾

從絳帳坐春風賓朋載酒楊雄宅鴻謀奇字無妨問海

東振綱

日擁臯比手一編振綱研朱滴露自年年已隨洛社同

稱老鴻謀曾到蓬瀛總是仙山有龍泉尊宿學振綱家

貽鴻寶富新篇柏梁舊製延齡頌鴻謀願佐黃觴晉綺

筵振綱



次韻和洪溥泉丈八十自壽

策杖夷猶正八旬，眉山小隱幾周巡。敲詩律細雙聲叶

翁有小眉山館詩集

載酒庭間百福臻，義粟仁漿壽惠徧。金章

玉敕受恩頻，他年會看蒲輪錫。好養天和百歲春。

翼旗星煥瑞堂前，白髮蕭蕭挂滿肩。紫氣遙連關吏望

青箱端許富公賢，欣栽蘭蕊成新樣。笑索梅花憶舊憐

老去自矜雙足健，看山每上萬峰巔。

姑蘇臺覽古

憶昔西施嬌侍宴，綺羅絃管不勝春。只今惟有臺邊柳

猶似當年解舞人

過常州即事

綠楊村店認陽湖，酒味添酸類腐儒。何處園亭孫氏館

此來我欲吊髯蘇

東坡卒於孫氏寓館

却向毘陵夜泊船，平明入廟鼓闐闐。社神亦賀新年節

拜跪憑人一綫牽

常州土風元旦縣城隍往府城隍廟賀年土人以繩繫神腰作拜跪狀

重赴禮闈報罷述懷

存

成名良不易，下第亦堪傷。蓼蓼臘鼓催，檢點行時裝。

月渡河水七日次柳莊，僱車不僱大響馬。窺行囊塵埃



晚風起。眩篋宜先防。笑談答鼠輩。徘徊中道傍。忽遇廉  
訪來車。從何輝煌。接踵步塵後。僮僕為我商。此次乘傳  
過匪徒。幸值廣東按察入都。隨行得免。况逢逋仙裔。少穆先  
弟之弟。慰藉更周詳。  
緩緩到京洛。謁師何與王。誰知南宮主。乃是老文昌。是  
仙楂師為副總裁。太邛逢楊意。陳容臺  
已捷。我輩羞馮唐。嗟哉歷遠  
道。不得偕翱翔。車聲何歷歷。燕臺吊斜陽。

王彥章鐵篙

在琉璃  
河橋邊

江山龍戰罷。登陴老將傷。心泣豹皮。欲問鐵槍無覓處。  
一篙長卧碧琉璃。

梅花嶺吊史閣部

蕭索風雲舊將營。中興遺恨壞長城。曾經半壁謀南渡。  
竟把全淮讓北兵。四鎮調停揮老淚。一書慷慨達愚誠。  
梅花不改前朝色。來拜甘棠過客情。

蘭陔永慕圖為王韻軒丈題

各有椿萱並茂時。春暉未報寸心知。承歡願得雞豚奉。  
重補南陔束皙詩。

一般秋意露團團。豈為看花始藝蘭。樹欲靜時風不定。  
有人揮淚倚闌干。



灞橋驢背圖為念齋宗兄題

為尋詩思訪溪梅便與奚童踏雪來  
曲水小橋懷舊夢  
竹籬茅店問香醅風流頗合遊仙意  
超絕真成出世才  
折取一枝歸去好春風應占百花魁

過孟太守宅

偶過孟嘗宅斷碑今已蕪青天  
冤婦兩碧水舊官珠當道  
曾推薦耕田亦大夫高風餘古廟  
瞻拜一嗟吁

卧龍山懷文種

卧龍形勢鬱孱顏疑塚難尋淚欲潛  
伏劍忍教噴碧血

藏弓悔不借青山泛湖有客名應讓  
浮海何年注可刪  
獨訪三蓬重吊古松風一路鳥聲閒

陳音墓

斷竹留吟事不磨烏號飛鏃貫銀河  
師非窮羿傳書少  
技擅由基入妙多青史曾聞圖塚壁  
碧山何處訪烟蘿  
想應烏盡藏弓早剩有霜筠滿曲阿

讀史

義士回戈已沼吳扁舟浩蕩泛江湖  
臣心莫道真如水  
免得君王賜屬盧

范蠡



嬴秦不帝總存周排解辭功隱客遊六國當時有真主  
已無餘地着留侯魯仲連

刪

翠羽黃繒辨不真甘投楚燒自捐身他年獵狗爭功賞  
半是滎陽幸免人紀信

投戟歸來壯志伸封王宜假亦宜真功成不信終烹狗  
枉逼重瞳舊主人韓王信

貌取人中疑婦女功成天下託神仙一椎早定亡秦策

黃石傳書事偶然張子房

最憐年少擅才華痛哭陳書策漢家畢竟聖明天子在

一官終自廢長沙賈誼

蕭然鬚鬢老胡塵杖節歸來十九春除却看羊無用處

麒麟閣上殿功臣蘇武

桐江三聘投竿起豈為區區諫議來一領羊裘歸大澤

釣臺高不羨雲臺嚴子陵

主德未酬臣力竭大星一夜隕秋風炎劉四百天移祚

爭得川中抵洛中諸葛孔明

三赴禮闈試畢聞家諱回里服闕補作

貂裘縱已敝壯心猶未衰阿父正强健家政堪支持陳

刪



琳稱雄伯倪寬號經師同里陳笙溪倪春計偕僉曰可

筮日趨行期一棹江湖催雙輪風雨馳僕夫誤東道過車

德州誤行東大道行紆到恐遲舍館喜粗初定良朋昕夕怡入場

賈餘勇落筆於淋漓文運本非厄家書大可疑開緘驚

霹靂抱憾至于斯呼天已無及縮地何能為星夜東行

裝僮僕俱慘悽三千有餘里啼鴉為我悲兼程驅水陸

還家失容儀弟妹哀以慟親朋涕且洩詩書敢言誤孝

養慚已虧痛哉子淵子同廢蓼莪詩

長歌行

長歌行意句庸熟可述

寒暑有遞嬗一往復一來人事有代謝一興復一墮智

勇不可恃華榮有時摧遙遙千古中曠感增長哀紅顏

委塵土白骨卧蒿萊庸愚固已矣英雄安在哉惟有不

朽名相與壽三才為語少年子努力毋徘徊

江村秋日漫興

落日孤烟澹翠微數家臨水啟柴扉蓮繞采罷菱纒熟

雁正來時蟹正肥雙槳秋聲蘆葉岸一星漁火蓼花磯

江鄉占得風光住翻悔京塵舊染衣

題丁氏夢奔山房



七十丁都轉林泉寄此身  
楸枰君結夢蘿為我聯姻靈  
境三分水清談四座春閒看  
庭畔桂香發幾枝新

五憶凌氏吹香吟館

小巷吹香館閒來憶舊遊  
青藤才子里紅袖美人樓帖

有老蓮筆

刻陳老蓮字

觴飛小玉謳

有姜能詩

蓉城渺何處無復

豁吟眸

宿謝氏玉壺冰舍

偶宿冰壺舍烹茶復剪蔬  
小樓春讀畫銀燭夜攤書清

話聯牀密豪情對酒舒論交  
推貢父

劉君孟千時相過從 一問近

何如

游章氏日涉成趣園

十畝橋邊屋雙扉洞粉牆  
客來都不俗花老尚飛香  
夜雨蝸題壁春風燕繞梁  
果然得幽趣莫更問柴桑

徐氏菘園

菘園小築慕高風亭仿瀛洲  
傍郭東

園中有瀛亭 曲折迴欄

猶照水如何不見主人翁

太息滄桑幾變遷  
昭華繡閣已成烟  
路人傳得軍門第

却到門頭問可仙

是宅先為明亮生尚書居後為百雲太史居今歸鹿苑明府又號可仙



梁氏曲池

粉額爭傳兩字書合成雙璧記陳徐

宅為陳高士海樵別業門前曲字海

樵自書池字

先生胸次清如洗比得門前水一渠

蒼藤古木繞庭前水色清涵一鏡天欲訪主人窺十硯

梁氏有墨痕半已化雲烟

座右銘

茫茫千古俯仰無垠嗟予小子舜我何人聿脩厥德以保其身養心寡慾克己為仁勿荒勿怠日新又新毋自欺也質諸鬼神

觀曹江競渡有感

江水分明淚湧流年來簫鼓鬧龍舟可堪千古傷心地  
換作歡場說勝遊

戊戌壯月墨花書舫將落成五橋叔先以詩見示

欲和而未果也尋卧南窗夢中得句足成二律

墨花開放幾經春同硯相思倍覺親大阮才華真藻麗

小蘇學問亦深醇魯魚校字燈前共樽酒論文竹裏頻

偏是良時多抱病夢中愁煞意中人

小樓風景者番殊位置茶鐺又藥壚每惜荆花分瓣瓣



廣培蘭本慰區區。漸無絲竹喧堂後。喜有賓朋滿座隅。  
鎮日相羊成別墅。敢將斗室比蓬壺。

書舫十二景

牡丹臺

疊石粉牆邊。天香拓一椽。人間誇富貴。花裏有神仙。  
舊種分姚魏。新吟入簡編。朝來酣美酒。相對一欣然。

芍藥鵑

一欄開數本。花相伴花王。紅過碧桃艷。清逾雪藕香。  
豐臺移別種。小鵑對斜陽。漫話將離事。春風好日長。

桃李洞

繞砌探幽洞。洞深花亂開。春風催白雪。紅雨點蒼苔。  
蹊窄餘香襲。觴飛逸興來。無言偏入勝。相伴短牆隈。

杏花階

苔色濃於染。點來紅更新。一雙歸燕子。二月鬧芳辰。  
雲倚斜窗日。風香別墅春。尚書傳舊句。漫羨曲江濱。

梅花徑

每向簷前立。春風索笑幽。半弓通月榭。一樹傍詩樓。  
鶴夢驚回未。檀心許伴不。傍兼植蠟梅一株暗香浮動處。蠟屐任



勾留

薔薇架

小朶如錢鑄繁枝半壓牆色疑桑落酒影射竹香廊

舫前有額曰竹香廊

支架量深淺編籬護短長不須呼姊妹蜂蝶

自奔忙

老松

幹老勢蟠曲蒼蒼倚石臺移根范城裏分種葛溪隈春

雨龍鱗瘦秋風黛色催蕭齋勤愛惜憐爾棟梁材

古柏

古柏來唐氏為唐友所贈繁陰積翠濃幾勞培植意不改雪

霜容偃蹇鄰山桂離奇伴石松後彫微氣骨庭院幾經

冬

疊雲石

山骨何年鑿雲根竟疊雲玲瓏挖苔色皴瘦感鱗紋簾

幌消蟬蠹芙蓉借斧斤一拳高幾許獨立倚斜曛

梅花琴

點點落殘雪香風生指痕古人傳綠綺素女待黃昏舊

引江城譜繁聲夜月喧何時遇鍾子山水妙無言



亞字欄

亞字添新樣當階更置欄  
午晴花韻暖子夜竹香寒  
曲象千回裊鸞環幾折蟠  
黃昏斜月上寫作篆文看

書畫樓

小樓撐突兀書畫列參差  
簡集羲皇古人希米老癡  
落花紅入硯秋水碧臨池  
玉笛從何起登高繫我思

得梁瑤峰相國金書壽佛經題後

泥金餘艷照琳宮筆法重  
思舊相風飛白已亡蕭氏  
本硬黃如懺梵王功曾經  
繙貝傳馱馬正好披沙辨  
戲鴻

藏我墨花堪壽世湮槃小楷恰同工

湮槃經文待詔所書

和杜星楂見贈原韻七首錄二

鏡水湖頭放畫船湖邊芳草碧  
羊綿三更泊棹前村渡  
春浪無聲月滿川

羨君夜讀漏聲遲書味醇醇領畧時  
况更鄭元經術富  
得閒還課浣花詩時星楂從學於鄭詩泉先生

題李鏡人秋江垂釣圖

鏡人先世天山公有鑑湖垂釣圖  
此蓋欲繩其祖武也  
舊圖天山公有記長洲汪退谷作書并



題七古一篇因即次其原韻

我翁鼓棹秋江明篙師形肖翁伯兄

先君繪秋江鼓棹圖其刺船者確肖

又村伯父荻花夾岸雁橫影楓葉照路鷗呼名狂吟長嘯大

拍手風利帆輕拂隄柳詩筒茗碗時哉時中流擊楫將

何之千巖萬壑覽奇境明月一片相追競上下雙清更

奇絕魚跳潑刺石環列安得七里灘畔邀嚴光釣臺雙

峙千仞岡今看中表鏡人會心處亦欲披裘大澤結鄰

去豈真車馬厭喧闐聊復答箸勞部署前有作者天山

翁江湖尺幅留真蹤直釣垂釣踞波上北角漁童眼相

向桃花春漲前事非

鏡人舊有春江垂釣圖

秋水湖洄更何恨我

欲訪君種阜下應許烹鮮酌花榭吾家舊有垂釣翁一

臺千古芎山東

芎山下有王宏之釣臺

笑問圖中同不同

讀吟香館詩寄贈謝味農丈

高懷落落有誰同一代吟章定國風

味農輯上虞國朝詩集

紅稻

村中香馥郁

味農一號紅稻村農

綠梅館裏畫玲瓏

味農善畫

拈毫悟

得龍眠趣下筆真如玉局工誦到芭蕉新月句

集中有芭蕉新

月上興來每欲寄詩筒

早歲爭游薛卞門幾回雅誼訂蘭言苔岑結契琴三疊



袞履高談酒一樽偶憶秦淮追舊夢集中有秦淮雜咏十二章時臨

石竹寫晴軒有坐石竹山房詩畫樓展卷從頭看啼鳥鳴蟬靜

不喧

七懷詩

鄭蘭卮師

康成嗜學最精嚴得意頻掀玉局髯柿葉供書傳結構

毛詩訓婢代鍼砭舟因泛月吟情適曾與先君泛月聯句酒為歌

蘭韻事添每秋蘭盛開與先君分題賦詩清課餘閒還屬對搜尋經語

鬪牙籤師每日尋經語作對為餘課

唐芸渠師

乞得薪傳史殿元樓山遺藁見淵源樓山樓稿經史春漁村制軍評定

風談笑棊千局秋水文章酒一樽絳帳有時開佛嶺曾

司鐸寬裳幾輩出師門張益川沈河渠皆出門下獨憐遊子西川去

歸路猶聞感夢魂師子一鷗在川夢師召而歸

胡鎔齋師

蚤歲蜚聲便軼羣芹香一卷啟斯文師著有芹香課藝太原昆

李曾無敵安定詞章已冠軍同時與王躔六夫子昆李齊名猶憶馬池

敲夜月余入學時同寓司馬池曾教蠹簡剪春雲師纂類對集裁命余手繕參校



至今細帙飄零甚剩有遺雛弔故墳

周藕香師

詞壇飛將共知名筆陣橫驅百萬兵壯便甘心辭粉署  
老猶盛氣作長城得傳元鉢人無幾未熟黃梁夢已驚  
干莫太剛終慮折李邕雖逝恨難平

錢惺園師

不許龍頭屬老成浙闈己卯科初擬師解元尚餘豪氣話平生茂陵

秋雨偏多病墨舫春風最有情記得燭殘驚燒尾師於己卯

闈中燭花墮卷幾焚幾從花發感題名師捷禮闈兩次皆以額滿見遺峰青江上

人何處悵憶鱣堂淚欲傾

李果亭師

斲輪老手人間少桂窟親裁第一枝戊子闈元出師房中漫道瞻

韓無福分每從說項感心知隔年得坐春風帳首卷先

鐫秋榜詩師先刻余薦卷曾記慈湖同握手一回棖觸淚交垂

錢小垌師

傳世文章積等身十年翰苑靜垂紳一州出守潯陽渡

千里曾頌漢水春袖滿清風船載石囊留古錦筆傳薪

歸田早著閒居賦悵望東城古堰濱



詠古美人

一去蘿村長不返五湖何處更為家  
當時不及東村女貧賤溪頭老浣紗

西施

拚將一劍殉重瞳帳下歌殘霸氣終  
畢竟男兒聽女子美人何不唱江東

虞姬

輕盈舞態掌中誇禍水分明兆唾花  
漢殿無人知射鳥燕巢移上帝王家

飛燕

西出延秋冷故宮翠華迢遞幸蠶叢  
馬嵬坡下無人問

一樹梨花怨曉風

太真

題趙莪峰馬湖春泛圖

白馬湖白馬湖烟波浩渺同具區  
面對蘭阜背蘿壁中涵明鏡纖塵無綠波  
三月浴鷓鴣青山四面啼鷓鴣  
我亦時來湖上住扁舟一葉偕釣徒  
今年新春大自在柴扉靜掩西山廬  
叩門乃是玉川子

圖由趙玉川攜來

手持大阮

春泛圖披圖却是舊相識翩翩骨相清  
而癯綠楊臨風作飛絮黃鸝嬌語呼新雛  
倚樓一聲送長笛羗歌越調間吳歎  
此舟若或泛長夏香風拂拂吹芙蓉  
不然秋夜泛明月白波爭獻驪龍珠  
即或披蓑戴笠泛寒碧雪花



飛玉篷背鋪令看片帆泛春水水光瀲灩生清娛春風  
微和拂春草春波初暖游春鳧春甕新篛綠燈酒春茶  
快煮紅泥爐人生得意且行樂功名富貴胡為乎白馬  
湖白馬湖湖中風景畫不如安得沙棠之舟木蘭檝乘  
風相訪同醉黃公壚

有感

萬里東溟外長波烽火明當關新戰壘守土舊書生魚  
鼈殃宜及芙蓉禍已成皇威終掃盪蛇豕漫縱橫

懷謝寶巖

安石才名迥不羣百年祖德頌清芬登車久識嶺南路  
呵氣能開楚北雲半刺風流垂墨綬幾番詩酒挹蘭薰  
雞碑雀籙工評隲老眼無花合讓君

懷洪月湖

月湖妙筆自天成秋水無塵一味清才子少孤添血淚  
童軍早冠振英聲穀緣儉歲推漿粟筍惜春芽護蜜餠  
最是傷心留病婦寒閨十載冷孤檠

懷陳蓉江

雞窗風雨共臨池總角交深我自知蔬菜性情非尚儉



葭莩緣分最相思靈飛紙集千狐腋碎錦文標一字師  
可惜蓉城歸太早山陽鄰笛至今悲

懷錢劍生

綸扉欣聽碧雞鳴獻賦長楊獨擅名早歲奎垣騰劍氣  
一時變石振歌聲李芝齡先生試姜白石越九歌取劍  
生卷為闔郡冠故著有擊石拊石齋  
稿吟情直與司勳埒訓詁還令叔重傾著有論語音義  
附證汪瑟菴師  
為評如此才華應有用計書千里夢魂驚君沒於  
京邸

天香別墅學吟

詩卷四

起辛丑  
訖癸卯

應宿閣

誰束長虹堵百川洞開廿八按星躔劃來地界能分海  
鑿到人工竟代天百派狂瀾資保障萬家赤子賴生全  
至今木隸猶崇祀太守高風緬昔賢

禹陵

萬壑千巖地勢雄崇祠高倚碧雲中梅梁已化中宵雨



窈石還留上古風。穴隱奇書苔字綠。珪封遠岫土花紅。  
青山禹甸還依舊。不用岫嶠辨異同。

懷杜穆齋

東門直友我同門。齒豁頭童貌可尊。能與少陵爭律細。  
勝如元凱著書繁。文章垂老徵天性。杯酒論交悟道根。  
聞說鳳雛才絕世。芹香好繼浣花村。

悼王辛香

西山幾載耐青檀。小住天香又七年。剪月裁雲耽綺語。  
枕經昨史訂新篇。掄元曾許王摩詰。多病還如孟浩然。

何事玉樓徵召速。一邛荒草伴長眠。

題張琢雲中流聽止圖

得到蓬萊別有天。扁舟一葉溯晴川。朗吟海濶天空句。  
回首人間路幾千。  
前程料到即英雄。一任風塵西復東。半枕黃梁卅年夢。  
神仙原在畫圖中。

咏史

齊宣不殺釁鐘牛。異日真能為國謀。七十餘城揮手復。  
策勲應讓服箱侯。



國士無雙未著名。登壇拜將一軍驚。  
絲竿垂釣臨江慣。列陣先驅背水兵。  
鐵艦何須首尾連。吳人一炬總堪憐。  
詐書遞到東風緊。烏鵲巢空叫暮烟。

十萬驍兵逆戰來。鼓聲動地走風雷。  
將軍不用全軍力。小試連珠敵已摧。

滔滔淝水血流紅。百萬秦軍一戰空。  
却上八公山上望。江東草木亦英雄。

降將何妨借一籌。偏師雪夜整貔貅。  
夢中但覺喧鵝鷺。

已報官軍入蔡州

紅燭高烧綺宴開。將軍託疾走銜枚。  
銀燈影裏三千甲。齊唱飛仙一曲來。

過許半珪墓

寶劍藏匣中。厥鋒貴能斂。英雄處窮時。  
其道在能卷。夔屈志益伸。龍藏用彌顯。  
不將蘿薜易簪纓。能以泥塗傲軒冕。  
達哉許子真。達觀守道踐繩墨。  
樂肥遯。孫吳韜畧無不神。管樂才名詎足算。  
飛兔鉤魚筆底春。演禽遁甲間中遣。  
七十二鑽無遺策。千二百年恣游行。  
當時海內方



承平百年無事歌清晏倘得斯人登廟堂夷夔交贊此  
其選而乃寂寂居蓬茅硜硜守鉛槧蒼生行且如公何  
坐使大才不得展豈無新建知亦有太邛伴嶺南走從  
從石上談侃侃此時詎乏薦禰人介于石焉莫可轉乃  
知先生植品高絕頂孤松作其範扈載清寒造福難朝  
霞貧薄拏雲懶忽然望氣識真龍帝星在楚微茫辨忽  
然決策撫岑孟片詞盡掃欃槍燄區區小試已若此何  
况郊天供金板我訪遺瑩黃土岡先生墓在黃泥岡豐碑字勒  
陽明撰大書處士許璋墓長使姓名照汗簡比之箕山

頂上許由塚明月清風共依戀

五十初度值海氛不靖感賦

羊鹿興歌已十春覽揆初度感風塵剛欣宣廟鳩工竣

爭奈夷氛闖海濱

余曾董修文廟方成

軍帳茄吹客夢寒旌旗閃閃滿江干達夫纔學吟詩句

一曲婆駝奏更難

從軍欲賦怯彎弓  
霸王鴻妻西復東  
知命知非都不解  
但留薜蘿伴衰翁

欃槍星耀海天明  
干羽終當舞太平  
酒債竟同詩債負



且停觴咏祝由庚  
去燕  
社雨零星柳色秋  
數聲謫語出簾鉤  
誰憐盼盼情無限  
雙袖西風獨倚樓

大雪行

辛丑暢月大雨雪一兩十日阻行轍同雲密布天無河  
千山萬山堆玉屑一陽不生重陰此義茫茫向誰說  
我聞堯時雪如拳有鶴能言說寒絕又聞淮西雪盈尺  
封狼授首元濟滅擁馬藍關韓子愁牧羊大窖蘇卿烈

但覺陰山在朔方胡此南疆亦相埒嗟哉夷鬼方跳梁  
甬東流毒及於越少婦攜兒顛復行嬌女避兵趨又蹶  
杜鵑啼血染紅冰餓鴉上城啄枯骨雪中苦况誰復知  
願達當路為饒舌昨歲除夕殷其雷陰陽鬱怒無從洩  
斡旋造化賴帝仁掃盪邊疆仗臣節惟願雪銷冰氣  
銷鼓腹堯天仰日月

梅花

浪蝶游蜂總不知寒梢偷放兩三枝更闌人靜橫疎影  
好似西湖月上時



靜骨幽香格最清月肥烟瘦影縱橫自開自落原無意  
不為江城笛一聲

人日墨花舫試筆

歲歲有今日論人得幾人酒杯容我醉詩卷與年新雪  
剩山猶冷冰開水欲春聞雞休起舞束手一閒民

青藤書屋懷徐天池

為惜才人感不勝特來老屋訪青藤當時畫策擒徐海  
贏得殘衫拜孝陵

小鑿天池水淺清自題書法妙難名曾聞月好花明夜

猶有憑欄嘯咏聲

柯亭懷古

一千七百餘年後勝跡重尋晚泊舟老竹曾邀才子賞  
孤亭猶作漢時秋倘論知己應同感誰與遷官欠自謀  
椽笛拋殘笳拍起漁歌聲裏使人愁

柯山懷古

海上班師駐此山三軍齊唱凱歌還沈郎詩句胡公酒  
博得翹兒破笑顏

日食紀異



壬寅六月朔日食晝為昏愚民不知故妄言天狗吞我  
聞日為陽之長離明普照君象存曉出東溟耀光彩妖  
星失魄皆逃奔羲和扶輪走赤道盪破陰霾揚溫暾如  
何光華忽自掩仰望碧落如戴盆兒童失色婦女駭雞  
犬無聲鳥不喧昊天明明本在上誰為蔽者雲非雲當  
此海疆正多事樓船烽火生妖氛燹理陰陽在丞相掃  
蕩塵土宜將軍胡為金烏斂翮不揚彩令我舉頭瞪目  
驚心魂恨不借來魯陽之戈夸父杖急麾遠追直叩南  
天門

題硯山弟立鼇觀海圖

寓意在小穴湖  
中鮎魚山生壙

弟年四十五我年五十一我無知非功弟有談元質括  
要千餘言包含竟無闕指授同稟承會心弟先得講求  
堪輿  
皆受傳於  
先君子造道日蒸蒸日上願登太素堂思入  
筠松室乾坤坎離交變化掌中訣有時讀圭旨參同吾  
秘術有時歷山川危峰吾安宅毒甚海上氛隨波正出  
沒安得真將軍掃蕩蛟蜃窟人皆吝錙銖吾弟心獨不  
揮手三千金慷慨佐軍實硯山助餉  
三千金藐茲螻蟻軀無以  
甦涸轍且悟元機元逢人莫浪說天籟寄一枝吹噓及



物物赤足立。黿頭笑指日東出。  
重門迴舍曲廊西。搖蕩湘紋剪不齊。靜鎖爐烟千縷細。  
閒篩花影一枝低。波深翠桁聞人語。風動金鈎落燕泥。  
最是珮環聲響處。那堪青眼望中迷。

鏡

磨洗功深色倍新。清空渾不着纖塵。一輪恰好如明月。  
半面偏宜對美人。慣判妍媸嫌貌取。肯同啼笑覺情真。  
年來兩鬢添華髮。自撫頭顱愧此身。

菊花

鑄就黃金色相奇。託根猶自在藩籬。便栽盆盎終非俗。  
頗耐風霜不碍遲。瘦影有人憐病骨。淡香與我訂心期。  
不須重憶陶彭澤。坐對南山酒一卮。

毛菊

眼明曾許察秋毫。看到籬邊菊有毛。仙骨未經三度伐。  
客頭并作一回搔。淡香帶雨憐雙鬢。清節凌霜賦兩髦。  
靜憶鬚眉真面目。撚髭吟句獨思陶。

正月二日過趙玉川品茶



生平疎懶怕新年。謁廟餘閒過玉川。留我清談忙裏福。  
見人公喜口頭禪。何須綠螿三杯飲。且取紅爐七碗煎。  
君與盧同恰同號。石泉槐火悟前緣。

新春喜晴

曉來紅旭照窗紗。春到人間景物華。殘雪頓消波浴鷺。  
凍雲初散樹爭鴉。分明已兆豐年瑞。即此能添酒興賒。  
最是上元時節近。太平鼓聽滿街撾。

癸卯正月上澣至二月杪有白氣一道自西射南

日沒即見或云太白占主水災紀事

癸酉畿輔闖林逆彗星燭天大於帚寅卯長星明更明

楚匪煽亂旋授首楊廬羅二公嶽降神楊侯遇春羅機謀

提軍斯舉

機謀

韜畧無出右一戰功成寰宇清。欃槍掃盡名不朽。兩星  
妖芒天已摧。今茲白氣來。非偶素娥帶。垂天漢邊陽。侯  
練挂昏江口。孟陬元夜迄。花朝半空明。滅映奎斗似虹。  
非虹星非星。術者刺刺占休咎。勿作矢石看。鑱鐳觚稜  
未曾有。勿作旌旗論。蚩尤次舍不同守。每當夕照西山  
頭。耿耿相映炫。其後明州海氛今已銷。說劍歌風戴高  
厚。此是金能生水。水漫漫。願告燮理陰陽代天手。



重游蘭亭

二十年來感歲時。名山重到竟離披。  
頽垣雨漬蝸留篆。廢院人稀樹卧枝。  
情與事遷良有以。今之視昔已如斯。  
最憐一片韓陵石。風露淒其卧斷碑。

飲李鏡人萼輝書屋

訪君鏡湖上。水巷坐春風。  
留我花間飲。如逢垂釣翁。

其二

曾約來花榭

鏡人昔歲囑題秋江垂釣圖。今朝償雅情。余有應許烹鮮酌花榭之句。

仁山能醉不

值金春帆同席同訂白鷗盟

顯聖寺觀佛牙

紺宇留前代。靈牙奉老僧。  
龕同壽山石。寺近古王陵。  
搏土鐫鐘紐。焚香供佛燈。  
欲攜羊角叩。轉恐俗人憎。

雲門懷古

流觴修禊事。蘭渚又雲門。  
石徑苔紋古。山亭竹影翻。  
磬聲出林隴。梵唄隔烟邨。  
子敬今何處。嗟余亦後昆。

由蛇尾山登蘿巖絕頂

蘿壁山高石峭立。上與天帝通呼吸。  
蛇尾之山名從形。苔蘚鬚鬚動鱗甲。  
抽斗一峰迎面來。寶劍奇書秘石匣。



俗名石抽斗相傳為  
仙人藏兵書寶劍處  
準擬登高縱大觀  
目窮千里意方  
愜手捫星斗  
天宇低足歷盤陀  
幾萬疊行行且住  
復行  
行坐踞虎豹息步  
屨須臾絕頂乘長  
風俯視衆山擁眉  
曉海濤西北生蜃  
樓烟火東南低雉  
堞龍泉一勺清且  
連汨汨源頭長不  
竭老僧邀我入寺  
門桑家十神塵滿  
榻大鐘出地從何  
年一叩再叩聲發  
越寺有大鐘相傳從地掘得我  
無謝眺驚人詩長  
嘯峰頭興亦勃眼  
界方知高處寬進  
步由來貴竭蹶日  
暮仍尋鳥道歸白  
雲噴絮沾衣袷

大水行 八月九日

十日五日大風雨  
千山萬山蛟蜃舞  
剡水飛奔倒雪山  
海潮噴薄吼雷鼓  
嗟哉沙隄牢不支  
大風激射如勁弩  
霹靂一聲萬頃  
勁弩難抵塘岸傾  
一片汪洋浸平土  
我家住傍太平橋  
橋窄漲高牆莫堵  
霹靂一聲何處來  
廟垣撼倒失門戶  
可憐悶坐西南樓  
四顧茅檐少完宇  
悲呼詔號愁窮民  
登高集木無棲所  
身非猿鳥棲高樹  
三朝潮退水勢低  
汙泥腥羶沾肱  
股我欲推恩升斗  
間餘粟生芽漸朽  
腐老天閃閃騰金  
烏檢點高邛當場  
圓太息誰家浮屠  
棺漂流骨暴竟無  
主



蓮蓬美人

草草浮生水一方美人憔悴不成粧  
綠衣破碎驚秋雨紅粉飄零怨曉霜  
剩有殘絲牽別緒為憐諸子怯空房  
誰能不受汙泥染漫道容顏愧六郎

五更聞雁

宿醒未解睡朦朧驚醒殘更雁  
啖空宵柝未停燈影外  
羈愁如訴月明中字逢雪霽  
波三折羣約霜栖葦一籠叢  
襖被生寒聽不得遙憐集澤有哀鴻

月夜懷杜晴佳

冰雪空明秋澗月英華流露夜光珠  
每懷對酒挑燈夕

長憶蕭齋合璧圖

君齋中所懸石刻壽星係道光元祀璧合珠聯日葉志詵畫

安石

有才非小草龔郎無事學蜘蛛  
恨余相隔娥江水未獲

同舟泛鏡湖

題渠源侄秋泛圖

兩岸疎楊一片秋蕭蕭蘆荻放扁舟  
西風定比春風健任爾揚帆到十洲

紅葉

曲江春宴杏花肥回首風光是也  
非一領宮袍誰奪錦



上林秋色炫朝衣  
門外誰停長者車  
小橋流水愛吾廬  
夕陽幻作桃花色  
猶是仙源二月初

讀阮芸臺宮師梁湖詩次韻示友

滄桑今古變砥柱祇平橋  
車路偏通澮近將大車路開河道水已直冲  
橫人家數湧潮官商便舟楫前因便官商而開塘近亦汙泥漲塞  
禾苗好事談形勢真堪笑老樵

十月初二夕見新月得句

山氣烘霞落照翻  
纖纖微月耿昏昏  
危然思養麻姑爪

雲裏輕舒一指痕

除夕贈趙玉川

長街臘鼓送殘年  
暗數更籌記歲遷  
君向壺中評藥性  
善醫玉川我來袖裏訂詩箋  
金丹已造生民福  
玉樹能培後嗣賢  
回首馬郎山下路  
萬星燐火仰於全玉川方矇金修蓋露塚

一技能精便可名  
矧君利物更多情  
臧辰乞糴民胥活

瓠子防秋漲始平玉川定議修沙湖塘事  
梅逗香枝庭護暖  
菊栽

老本澗流清  
壽身壽世真無量  
仁術應同相術衡



藏書

藏書

多平...  
藏于...  
此...  
...  
...  
...  
...

大正



